

明
詩
紀
事

萬厯中葉王李之餒漸熾公安竟陵狙起而擊然公安之失
曰輕曰俳竟陵之失曰纖曰僻其始作之俑者中郎俊脫尙
有才穎可喜伯敬幽秀尙有思致可賞極其放失輕佻變爲
但音纖僻流爲鬼趣亡國之音有識所歎其變而多歧者如
關西文太青浙江王季重楚北尹宣子牛鬼蛇神支離怪誕
然獨唱無和世鮮譏彈若專與弇州爲難者江右湯若士變
而成方不離大雅顯屹于鱗之失者山左于無垢公孝與識
雖絕特才乏殊尤論者遂一概抹殺謂萬厯一朝無詩可採
夫風雨如晦雞鳴不已賢人君子不爲世變而改操十步之
內必有芳草騷人韻士不因晚季而絕迹豈有上下數十年
縱橫一萬里而謂抗音以歌白雪絕響陳詩而採彤管無輝

豈通論哉余博覽篇章精覈藝藪若區海目之清音亮節歸
季思之澹思逸韻謝君采之聲情激越高孩之之骨采翫騰
並足以方軌前哲媲美昔賢湯若士李伯遠謝在杭程松圓
董遐周吳凝父孫甯之晉安二徐抑其次也至萬厯人才接
迹天啟奄禍滔天穢濁一世其與於逆案者概屏不錄竊附
巷伯之義焉宣統己酉仲秋黔靈山樵陳田

明詩紀事庚籤目

卷一

區大相

三十二首

歸子慕

十首

謝肇淛

十首

謝三秀

三十二首

李應徵

十六首

卷二

高出

二十八首

湯顯祖

二十首

卷三

徐燧

二十首

徐燧

十三首

卷四

程嘉燧

三十二首

嘉定四

李流芳

六首

婁堅 五首

唐時升 九首

卷五

袁宗道 二首 公安派

袁宏道 十九首

袁中道 十首

鍾惺 三首 竟陵派

譚元春 二首

卷六

楊鍾 一首

左光斗 一首

繆昌期 一首

周順昌 一首

魏大中 一首

李應昇 五首

萬燝 一首

黃尊素 一首

卷七

董其昌 六首

李日華 十一首

邢侗 七首

王思任 三首

胡宗仁 二首

米萬鍾 一首

魏之璜 一首

莫是龍 六首

鄒迪光 四首

曹履吉 二首

黃克晦 五首

宋珏 一首

盛時泰 七首

吳彬 一首

卷七下

陳繼儒 八首

郭造卿 五首

冒愈昌 十八首

詹景鳳 五首

卷八

于慎思 三首

于慎言 一首

于慎行 十首

公薊 十五首

公薊 六首

董嗣成 二首

董斯張 八首

梅鼎祚 十五首

梅蕃祚 二首

梅國祚 一首

梅嘉祚 一首

梅鳴祚 一首

王象艮 三首

王象明 一首

陳价夫 二首

陳薦夫 一首

黃維棟 一首

黃維楫 一首

劉肩昌 一首

劉肩芳 四首

郭天親 一首

郭天中 一首

華善繼 一首

華善述 一首

盧純忠 一首

盧純學 一首

宿鳳翥 四首

宿鳳起 一首

喻應夔 一首

喻應益 一首

卷九

鄭學醅 一首

梁紹震 一首

黃鳳翔 六首

王家屏 一首

陳于陞 一首

張位 一首

沈一貫 八首

鄭汝璧 二首

蔡文範 三首

朱孟震 十一首

龔勉 二首

習孔教 一首

劉應麒

一首

鍾庚陽

一首

沈懋孝

一首

賈三近

二首

顧大典

一首

陳嚴之

一首

沈思孝

一首

唐可封

一首

陳堂

一首

張一桂

一首

華叔陽

二首

唐邦佐

二首

帥機

一首

方沆

一首

喻均

二首

田一儁

一首

胡來貢

一首

程拱辰

一首

葉九金

一首

徐大任

一首

胡汝煥

一首

梁岳

一首

卷十

張元忭 一首

鄧以讚 一首

吳中行 一首

周嘉謨 一首

王祖嫡 三首

馮時可 二首

郭子章 一首

黃洪憲 一首

郭子直 一首

劉珠 一首

熊敦朴 一首

吳中立 一首

秦燿 一首

方楊 一首

周光鎬 一首

王教 一首

詹沂 一首

謝師啟 一首

宋儒 一首

林章 七首

麥應中 一首

卷十一

孫繼皋 十二首

余孟麟 一首

趙南星 七首

李三才 二首

李化龍 三首

孫鑛 四首

呂坤 一首

謝杰 三首

李堯民 五首

支大綸 一首

曾夢鼈 一首

林纘振 一首

顧國輔 一首

林兆珂 四首

游朴 一首

朱期至 一首

伍讓 一首

曹一夔 一首

鄭須德 一首

黃閣 一首

麥秀歧 二首

黃朝賓 一首

卷十二

沈懋學 三首

曾朝節 二首

馮琦 十四首

王士性 一首

魏允貞 四首

鄒元標 一首

余繼登 二首

馮夢禎 三首

顧紹芳 一首

姜士昌 二首

張維新 四首

徐桂 一首

楊起元 一首

趙崇善 一首

張文耀 一首

朱維京 二首

沈九疇 一首

傅光宅 七首

陳泰來 一首

沈自邠 一首

張敬 一首

陸可教 二首

萬象春 一首

李玄齡 一首

甘雨 一首

馮大受 一首

卷十三

蕭良有 二首

顧憲成 一首

鍾羽正 二首

陳尙象 一首

章嘉禎 一首

龍膺 五首

史旌賢 一首

黃克纘 一首

許弘綱 一首

柳希點 一首

鄒觀光 一首

石崑玉 一首

余寅 一首

邢雲路 四首

楊于庭 一首

臧懋循 一首

林廷陞 一首

卓大任 二首

王庭譔 一首

張萱 二首

何三畏 一首

卷十四

朱國祚 一首

李廷機 一首

劉應秋 一首

葉向高 五首

于若瀛 十四首

郭正域 一首

殷都 一首

梅國禎 一首

朱長春 二首

趙世顯 一首

虞淵熙 一首

張壽朋 四首

鄒德溥 一首

徐學聚 一首

柯茂行 一首

葛曦 一首

王萱 一首

卷十四

閃繼迪 一首

陳翰臣 一首

曾仕鑑 四首

奈祖頤 一首

黃居中 二首

卷十五

唐文獻 一首

劉黃裳 九首

安希范 三首

袁黃 二首

王嘉謨 一首

吳應賓 一首

王一鳴 二首

周獻臣 一首

張文柱 一首

卷十六

焦竑 三首

陶望齡 五首

黃輝 十一首

馮從吾 一首

高攀龍 七首

劉文卿 一首

祝世祿 一首

林堯俞 五首

傅新德 二首

馮有經 二首

方大鎮 一首

章士雅 一首

莊天合 二首

戴士衡 一首

郝敬 一首

陳所蘊 一首

陸彥章 一首

鄭明選 三首

萬嗣達 一首

張民表 一首

卷十七

鄧原岳 十一首

江盈科 四首

畢自嚴 一首

王樂善 二首

張五典 一首

李騰芳 一首

王在晉 三首

石九奏 二首

張三極 一首

馬應龍 一首

張延登 一首

丁起濬 一首

岳和聲 一首

徐必達 一首

陳懿興 一首

潘榛 一首

卷十八

朱之蕃 一首

湯賓尹 一首

孫慎行 一首

劉一燝 一首

王惟儉 一首

蔡復一 三首

蕭近高 一首

范允臨 二首

陸錫恩 一首

賀燦然 一首

高承祚 一首

袁時選 二首

呂克孝 一首

張應申 一首

胡震亨 一首

卷十九

趙秉忠 一首

邵景堯 二首

顧起元 六首

何如寵 三首

周如磐 二首

熊廷弼 一首

鄧漢 五首

陳邦瞻 九首

黃汝亨 十首

黃起龍 一首

鄧雲霄 一首

范鳳翼 二首

邱禾實 一首

阮自華 一首

曹徵庸 一首

沈孝徵 一首

徐良彥 一首

方承郁 一首

董應舉 一首

何棟如 一首

倪尙忠

一首

劉時俊

一首

謝廷讚

一首

李春熙

一首

劉世教

一首

王嗣爽

一首

顧雲鴻

二首

卷二十

張以誠

一首

王衡

七首

曾可前

二首

熊明遇

一首

鄭以偉

一首

雷思霽

二首

劉永澄

二首

楊思孔

二首

俞彥

二首

陳勳

三首

徐禎稷

四首

馮奕垣

一首

董光宏

一首

蔡善繼

二首

袁懋謙

一首

宋燕

一首

孫光裕

一首

王元翰

一首

蕭丁泰

一首

侯正鵠

二首

卷二十一

徐光啟

一首

傅淑訓

一首

李待問

一首

黃儒炳

一首

楊鶴

一首

吳應琦

一首

趙彥復

二首

朱之臣

二首

戴九玄

二首

鄧澄

一首

樊良樞

一首

李若訥

一首

王家植 一首

戴耆顯 一首

劉士驥 一首

李之世 六首

越其杰 七首

卷二十一

成基命 一首

韓日纘 一首

何南金 二首

鄒維璵 二首

潘潤民 一首

周泰峙 一首

徐鳳翔 一首

趙嶠 一首

賈必選 一首

張慎言 二首

楊嗣昌 一首

文翔鳳 一首

王象春 二首

馬之駿 二首

王志堅

一首

區龍貞

一首

鄭之文

一首

陳玄藻

一首

譚性教

一首

吳伯敷

一首

邱禾嘉

二首

許善所

一首

卷二十三

吳姓

一首

李孫宸

二首

方震孺

一首

葉燦

一首

白正蒙

三首

齊琦名

一首

方大鉉

一首

王應熊

二首

周京

三首

俞琬綸

一首

蔡文第

一首

羅賓王

四首

錢士升 一首

劉榮嗣 五首

彭汝楠 二首

謝士章 九首

方孔炤 一首

劉鐸 一首

方大任 一首

陳熙昌 一首

吳尙默 一首

魏浣初 一首

林枝橋 一首

孫朝肅 一首

黃聖年 二首

沈德符 六首

李衡 二首

徐人玉 一首

袁崇煥 一首

丁乾學 一首

高道素 一首

吳麟瑞 一首

姚希孟 二首

雷躍龍 一首

卷二十四

張懋忠

二十首

劉綬

一首

鄧子龍

一首

喬一琦

一首

張可大

一首

杜文煥

五首

安國賢

一首

邱坦

一首

卷二十五

陳昂

七首

吳鼎芳

十二首

葛一龍

十一首

范汭

八首

李能茂

十首

吳兆

十首

楊承鯤

十二首

吳敏道

十八首

俞安期

二十六首

卷二十六

柳應芳

五首

何白

三首

林世璧

一首

斯一緒

二首

方堯治

一首

商家梅

一首

王醅

三首

薛岡

二首

吳夢陽

一首

米雲卿

二首

秦鎬

一首

石沆

一首

周應辰

一首

戎玠

一首

虞伯龍

一首

張正蒙

一首

程伯陽

一首

孫友旒

一首

孫名由

一首

應泉

二首

何璧 一首

汪樞 一首

諸葛鯨 一首

盛鳴世 三首

姚旅 二首

李埈 一首

唐汝詢 二首

邢大道 三首

王嗣經 一首

王伯稠 二首

鍾恮 二首

葉之芳 三首

游及遠 三首

沈野 一首

王野 一首

汪禮約 三首

費元祿 二首

遂希韓 一首

吳孟堅 一首

朱應龍 一首

嵇元夫 二首

吳紹奇 一首

吳鎖 一首

張振藻 一首

卷二十七

孫鎮 十四首

陸弼 六首

鄭琰 四首

曹子念 一首

裴邦奇 六首

聞龍 一首

程可中 一首

葉太叔 三首

安紹芳 三首

卷二十八

瞿汝稷 一首

屠本峻 一首

費懋謙 一首

吳稼登 四首

田藝衡 一首

袁應福 一首

潘光統

二首

林世吉

一首

杜開美

三首

邱峻

一首

顧從義

一首

趙士亮

二首

劉繼善

一首

卷二十九

邵正魁

一首

周才甫

一首

方問孝

十二首

梅守箕

五首

豐越人

二首

欽叔陽

一首

吳元樂

一首

秦植

一首

秦延勳

一首

吳明珍

一首

吳伯敬

一首

梅士勸

一首

王環 一首

袁鶴聲 一首

鍾薇 一首

馬懋勳 一首

馬之瑜 一首

錢可久 一首

齊鼎名 一首

姚之邁 一首

朱廷佐 一首

卓發之 一首

汪宗孝 一首

許經 一首

陸應陽 二首

卷三十

吳魁 一首

吳鎮 一首

王勣 一首

江一山 一首

王醒之 二首

湯有光 四首

葛幼元 四首

黎密 一首

蘇景熙 一首

朱完 三首

范之默 二首

鄭爾忠 一首

廖孔悅 三首

陳鳴鶴 一首

陳宏已 二首

鄧欽文 一首

董養斌 一首

王應岳 一首

許樵 一首

劉黃 一首

鄒景賢 一首

沈啟元 一首

陳仲濤 一首

王崑仲 一首

陳邦注 一首

康當世 一首

姚貞 一首

陳椿 一首

洪寬一首

何體性一首

王同軌一首

徐益孫一首

周如墳一首

梁士奇一首

林元協一首

毛子亨一首

蔡鉦一首

鄔佐卿一首

顧斗英三首

袁敬烈二首

王湛一首

梁天佑一首

沈翰卿一首

卷三十下

袁崇冕一首

王留七首

卜舜年三首

邵濟二首

陳元素 一首

趙宦光 一首

茅維 二首

吳拭 四首

寇學海 四首

沈承 一首

張大復 一首

朱驚 二首

李之茂 一首

齊萊名 一首

孫穀 一首

宣統庚戌貴陽
陳氏聽詩齋刊

明詩紀事

貴陽陳田輯

庚籤

區大相 三十二首

大相字用孺高明人萬厯己丑進士選庶吉士授檢

討厯贊善中允改南太僕丞有太史集二十七卷

陳子壯文忠集海目先生以太史名粵其詩特甚心

手相應音節和諧蓋家能誦人能說矣

廣語嶺南詩自張曲江倡正始之音而區海目繼之

明三百年嶺南詩之美者海目爲最在泰泉蘭汀崙

山之

漁洋詩話粵東詩派皆宗區海目

靜志居詩話海目持律既嚴鑄詞必鍊其五言近體

上自初唐四傑下至大厯十子無所不仿亦無所不

合嶺南山川之秀鍾此國琛非特白金水銀丹砂石

英已也又云海目五言律如純鉤初出拔鐘無聲切

玉如泥又如鏡吹平江秋空清響
明三十家詩選海目詩思深而不苦律細而不狹氣
壯而不厲調高而不浮樂府藉藉五言高秀掩歐梁
之前軼開陳屈之先聲誠嶺南風雅領袖也
田按海目稍晚出及與歐慎伯黎惟敬倡和其天才
俊妙與惟敬器相伯仲惟敬長於五古海目長於五
律各有擅場海目之言曰近世求多於古自用我法
未免恣睢於情之中而決裂於格之外按之而不合
節歌之而不成聲此當為公安而發能自樹立者類
不為風氣所轉移也

西湖春遊曲 二首

上路填車馬中流沸管絃折花傷玉手照水落金釧及此芳

春日俱宜妙麗年

燕巢知殿別鶯語識年華獨坐閒調瑟明粧出浣紗春風日

暮起愁殺上湖花

思歸引

惜別奈遠別思歸猶未歸近來容鬢改應爲信音稀

採蓮曲 二首

錦袖清川曲紅粧綠水洲可是憐孤棹時時出並頭
別浦千花暝回舟一水香停櫓休更折留著伴鴛鴦

詠燭效小庾體

洞房戀夜色銀箭起更籌影亂彈棋席光多教舞樓花生應
待喜淚落不關愁未上西園月偏能美夜遊

臨春臺

載酒臨春臺徘徊不能已東風如有情飄蕩樽前起爲將看
花意吹渡春江水

贈吳孝父歸黃山

黃山連碧虛上有軒轅居丹臺久蕪沒何客此結廬結廬獨
長往早發金庭想高揖曹阮輩煉藥恣偃仰紫房閉綠苔清
澗裊雲來丹井昔常潔瑤宮今始開自爲黃山客醉拂黃山
石兀然發孤嘯千峯斂暮色何時啟石關投足徧人寰意欲
窮九有歸卧雲松間君去亦多時君來何太遲容成與浮邱
招手白雲期昔落風塵裏名姓在人耳今返煙霞際悠然與
終始三十二連峯蕩漾金芙蓉歸來當見憶雲鶴許相從

泊餘干口

問水識江介瀕湖見茲縣適越道里盡入楚眾流亂汀唱聞
漁榜山煙起樵爨浦暗菱荷稀岸蘋霞光絢鶴侶衝人起魚
羣驚棹散節物客裏移鄉愁酒中斷王程未及瓜鄉路已過

半行役其如何臨流暫觴翫江海寄勞人安土庶無悶

安期巖

長謠白雲曲一扣紫巖扉陟磴嵐隨杖舉蘿翠滴衣瑤華紛
可掇仙嶠望中微海上三清鳥傳書幾歲歸

嶺上望中原

嶺樹鬱蒼蒼千峯劃大荒路盤秦棧沒天入楚雲長地曠留
銅柱春深貢越裳古來思猛士無乃固金湯

江上弔屈原

去國情如昨懷歸復幾時皇天難具問公子敢言思風雨湘
靈泣魚龍夢澤悲九歌君不見空自擷江離

戲馬臺

乾坤龍戰日西楚氣雄哉叱咤千人廢騰驤獨馬來雲深距
鹿野日落彭城臺霸業何銷歇傷心但草萊

始赴東山口楊村庄作

荆扉頽岸引蔬圃亂流通包橘無干樹芳蘭自一叢暮雲丹
水北古峽蒼梧東柳外春沙沒哀哀何處鳴

摩訶菴尋僧不值

杖錫是何適雲霞少定蹤呪龍餘鉢水留鶴伴階松野立看
遙嶂孤吟待暝鐘仍聞弟子說早晚下西峯

館中雜詠錄一

簿領知無分文章自有家勤時惟筆札散地卽煙霞徧性淮
南橘閒情杜曲花幽盟關物理疲馬戀休衙

聞甯夏變起

近傳甯夏卒殺將乃橫行養虎雖貽患操戈亦有名預愁句
逆虜遂恐失堅城柳外清笳曲誰吹塞上聲

九日偕諸客八里莊登眺飲非幻上人眾芳亭

陶公愛九日而我一樽隨郊寺隱松葉主僧開竹籬背人南
雁疾留客曉鐘遲莫上高臺望臺高多所思

以詩代書寄張羽王

美人家何在言住湘川湄獨立歟無與采芳何所遺春情寄
瑤瑟幽怨結江離頻夜尋君夢雲山九處疑

游宗謙至自塞上別歸莆

木蘭坡上客還泛木蘭舟芳草還家路黃榆入塞秋海鷗翔

不下野鶴暮何求莫訝游歸晚山人本姓游

黎惟仁梁少仲麥仲張黎君璽邀集浮邱

閒有遶東鶴千年始一還我來仍未遠遺跡尙堪攀訪舊期
餐液求仙憶住山滄桑何足問小別鬢成斑

送慧上人還江南兼寄陸伯生文學

孤雲與獨鶴去住本無依覺路何人往空門美爾歸晨鐘吳
苑樹晚飯越山薇相見陸居士茶經對息機

曉過南溪借道公

朝來北林下偶與山僧期復值松風至翛然箕踞思笑談欣
有得慙涉遠忘疲報道前宵雨南巖長紫芝

同四兄七弟汎舟海上望西樵

七十二芙蓉仙家第幾峯天清攬黛色秀出海雲重地與蓬
瀛接人將鸞鶴從此行若結宇何異三茅蹤

南行感懷四十首

錄四

友人賀伯闇吏部以感懷五言近體詩四十篇見示
賀君忠孝端諒讀其詩頗有激於余東南行之曰感
時觸事亦作此詩篇如其數然賀君以四歲懷抱並
洩於篇而余成之一時雖各有所爲其於忠君愛國
憂時懷土興寄則一詩因賀興感故作和賀云爾渡
淮而詩成因呈淮陽巡撫李公道甫并貽海內二三
同志

獨客黯無語深更坐轉幽愁心偏畏夜頽鬢不禁秋國事憑

黃口皇恩眷白頭雷同人總喜糴食爾何憂

聞道貂璫輩由來爲埽除先朝停鎮守近日典方輿貢採山川竭徵輸并邑虛明明皇祖訓宮府意何如

厥貢元稱下荒年亦自輸但聞鬻妻子甯復問田廬水土司空職漕渠太史書何時覩河洛萬姓免爲魚

每歲中官出人思答聖情閭閻歛愁歎神鬼害驕盈不復憂天墜何曾見海平愚夫勞過計小物有微誠

田按萬厯時礦稅中使出民不聊生海日又有田家吟云莫笑田家歡樂少漢家天子尙憂貧過皇店云皇家新店跨神州泉府雖盈萬姓愁今日何人憂國計獨勞天子自持籌衰周季漢事同茲一慨

送張廷評赴南都

南去雲山郭裏登法曹閒似六朝僧城邊人吏迎淮水竹下

官齋到蔣陵策馬晨趨三署月挂帆春斷九河冰東南民力
須封事可但憑高問廢興

春塘曲

天桃穠李間垂楊青鬢朱唇雜粉光歌罷采芳人不見落花
無數點迴塘

從軍行

焉支山外黑雲連翡翠樓中明月懸未聽胡笳先下淚行人
無事莫臨邊

北行江上日望舍弟南歸信息

得承嚴譴是恩波去國還家思若何莫道故園春事少古來
遷客嶺南多

歸子慕

十首

子慕字季思崑山人太僕丞有光子萬歷辛卯舉人

崇禎初追贈翰林待詔有陶菴集四卷

安希范天全堂集余雅聞高存之言歸季思隱居蕭
寂之趣與淵明田園詩首章絕類不禁神往乙巳十
月過崑山訪之西岡村衡門流水短牆及肩榜曰衡
門翳翳泌流洋洋蒼頭迎門衣履樸野云主人不在
當卽至矣入門橙籬蕭疏畦園縱橫矮屋五六間聯
曰草木欣相得江山閒自如中闕二扉室可方丈壁
俱蘆竹夾成飾以泥柱聯曰農圃聊相偶琴樽且自
陶庭前左右兩舍前縛竹成架枸杞蔓之下種甘
菊舍中聯云對榻草蔬田舍話一林風月主人周
行籬落徘徊庭戶默誦淵明詩真無一語不合久之
季思至丰神蕭爽別有一種孤雲野鶴氣味促膝而
談小童供甘菊湯良久季思欲止余餐余欲乘潮歸
季思送至舟且訂後期逢窗中望季思入林意更依
依惜別人生不遇數十年終日碌碌沈酣苦趣今見
季思所有令人爽然自失
陳濟生敬禎兩朝遺詩待詔詩超然絕塵於陶彭澤

殆神似之
列朝詩集季思清真靜好五言詩淡雅似其爲人
都志居詩話季思詩學陶而得其神髓韋蘇州後鮮
有其倫誦之令人增簞瓢陋巷之樂
田按季思人品高潔抒寫性情與柴桑風趣不遠所
謂惟其有之是以似之也古今擬陶者多矣東坡尙
苦不似況其他乎

偶成

昔棲越山裏樓小如方舟泛泛出青林日日雲端游慮澹心
自閒曠焉見滄洲於今學靜息茲理足一邱清風亦啟予逐
逐爾焉求

戊戌秋夜郡邸不寐

中宵寒自撫眇然思不汨風開不扃戶牀前瀉明月明月漸
上牀團團樹中沒惟見蒼莽間古刹靜突兀昨日同游人各

各歸偃息宵旦送往事古今坐超忽風吹殿角鈴不寐到明發

已亥二月過高存之潞湖精舍

恰到湖上時豁然景初霽棟宇歡新成慙如探靈異曲折窮內觀縱自覽外勢湖山自得所在人善安置向背既不違自覺人情遂湖邊理新畬窪下當早計若不高隄防何以禦水至草舍兩三間從此宜葺治無失田家風更助林泉致常懷耦耕好君今啟我意共爲隴畝民欣然以沒世

暮春

爲歡不下日當前是良辰麥青菜花黃所見物物新溫緩東來風到面人不嗔不因酒力多好景亦酣人怡然柳陰下欲

語難爲陳

期顧德甫兄弟看花不至

脈脈春欲深遲遲日方午閑門溪橋邊寂寂桃花隔淺水潮
初生漁舟倒出浦無奈東風狂花落不可數

五月五日採藥

采藥復采藥采采西復東麻長村徑狹曲折隨兒童采采及
墟墓偶與前林通前林樹木嘉就蔭常清風村人競采藥怡
情聊與同盤桓不能歸永日以從容

雜詩二首

有生不暫靜擾擾勞經營所希在明日今日何由甯日去
不知如涉萬里程亦思一息肩其如願未盈息肩竟何年奄

然大命傾

涇薪須緩燃漏釜宜急炊緩急不相能吾力將安施釜薪可
奈何不如兩置之置之復不得母乃人事違釜漏鐵可補薪
涇陽日曦事在反掌間爲此我何辭得爲是我分此外何所
悲

癸巳冬寓杭州西湖寄世周

西湖如此好胡爲忽茫然念我平生交王生洵忘年爾髮旣
種種逸興何翩翩一生寄花鳥沒齒委林泉山路細猶識草
名微亦傳家傍城東隅山抱清溪連騎然濠濮想水木澹階
前嶽游撫拳石鵬息葉底眠取物政眇小託志蕩無邊世事
一不解談詩如雲煙疑君乘白雲吹笙過我前儼逢赤松子

招予以俱仙

辛丑王世周年六十贈以是詩

憶我西湖篇贈君語歷歷倏踰九年君今已六十流光逝
如許胡能不相惜慇懃酌君酒祝君壽千億言出親愛口願
望何窮極雖然眼中人誰爲齒過百空持無涯想蚩蚩詎非
惑請君盡一杯更端爲君悉聞君少壯時燕京倦行役壯志
不得伸蓬廬歸偃息少年歎不遇不遇老更適早若沾華臚
白頭正戚戚何如老子閒優遊送晨夕且畢今朝歡行止任
來日與君雖分形百年終混一當時遊仙志自笑非通識天
地豈不長而作赤松客

謝肇淛十首

肇淵字在杭長樂人萬歷壬辰進士除湖州推官改

東昌遷南刑部主事改兵部工部歷郎中出爲雲南

參政歷廣西按察使遷布政使有小草齋集六十卷

張獻翼文起堂堂集在杭既美才情尤深寄興

而命意新王穉登南有堂集在杭詩寄興微而綴詞雅取調古

小草齋詩話萬歷已丑子與徐惟和寺僧號呼奈

和塔愛其國靜各賦一詩欲題壁間而寺僧號呼奈

何浪疥吾壁吾且取水漱之則子笑不復題越三載子

拜吳興司理行部至杭詢之則寺僧懼罪遁去久矣

余大興因復題云雙旌五馬繞江城驚起山僧合掌

列三載重來渾似夢終原是在杭詩以年進下菰集司理吳

典作也坐論需次真州有鑒江集移東昌有居東集

格調漸工然其詩亦止於此嘗有寄余詩云曾從紫

氣識龍文忽見新詩過所問老夜雨自慙牛馬走雲來

猶問鹿麋羣春城樹色連吳苑夜雨自慙牛馬走雲來

子輕紅榕葉暗相期同拜武夷君在小草齋全集

晚年所作聲調宛然不復進矣余觀閣中詩國初林

子羽高廷禮以聲律圓穩爲宗厥後風氣沿襲遂成
閩派大抵詩必今體今體必七言唐虞若輩如出一
手在杭近日閩派之面目也在杭故服膺王李已而
醉心於王伯穀風調諧合不染叫罵之習蓋得之伯
穀者爲多在杭之後降爲於元履變閩而之楚變王
李而之鍾譚風雅陵夷閩派從此增矣
靜志居詩話在杭格不聳高而詩律極細其持論亦
平如于鱗元美子與伯玉皆所傾心漫與詩云徐陳
里閩久相親鍾李湖湘非吾鄰九泥久已封雨谷相
見江東一片鷹徐指孝廉惟和山人興公陳謂文學
汝大孝廉幼孺山人振狂是時竟陵派已盛行而在
杭能拒之又云石會山銀海瀉秋濤此則在杭自任
若問老夫成底事雪山銀海瀉秋濤此則在杭自任
匪淺
香祖筆記謝在杭小草齋詩話云明詩遠過於宋又
云本朝僅數名家自追上古然刻畫摹擬已不勝其
費力矣其他作者如林上乘雋語人不數篇要其究
竟尙不及宋宋人有實學而本朝多剽竊故也二條
自相矛盾當以後論爲允
杭世駿道古堂集謝在杭曹能始徐惟和兄弟標聲
闡義鼓吹海隅猶未能登述作之堂
杭世駿榕城詩話謝在杭小影一幀予得見於鼇峯

坊薛士王家豐頤隆準粹容无悅姬人桃葉就其所
執之卷而舒之流觀前牀翻若燕翔童子煮茶石鼎
沸聲與松籟互答蓋曾鯨所寫也考公居東集有雪
夜寄侍兒詩又有王寅元日寄桃葉侍兒詩又有客
中夢桃葉侍兒詩鑾江集中又有六憶詩寄桃葉侍
兒又代答詩則公之謔謔於桃葉者深矣同時徐惟
和有侍兒名紫玉見慢亭集
明三十家詩選在杭詩清圓俊朗道勝王伯穀而虞
山深詆闕派庸熟蹈襲如山一手又謂在杭風調諧
合得之伯穀為多其月旦顛倒如此絳雲一炬豈非
天哉
田按在杭近體與徐惟和兄弟相抗古體爽健在晉
安詩派中特高一格

送練中丞遺裔歸家 有引

自金川門之變練公子甯以御史大夫抗節死闕下
闕門荼毒獨有侍媵抱市歲子匿民間得免展轉入
閩為人傭保六世孫綺者為新甯陳孝廉掌書記萬

歷戊戌孝廉計偕入浙有江右生同舟先一夕生夢
練公持刺謁已心異之比入孝廉船見書記侍側雅
暫不羣指問何姓答曰姓練生心動叩之曰得非吾
里練中丞後乎綺不應而涕淚滿面生益疑駭窮詰
之具得其狀亟以百金爲贖孝廉不受遣綺綺不肯
行曰以死殉國人臣之恆且九族赤矣歸將何爲生
益賢之歸家具白當事者以幣來聘授以衣巾俾奉
公祠官爲置田廬百畝一時聞者莫不歎息泣下以
爲天道有知云

燕山日黑黃塵起金川門外鼓聲死長樂宮爲瓦礫場殿庭
流血成海水御史大夫練子甯手持三尺干雷霆覆巢自分

無完卵一門百口歸冥冥事去人亡三百載蘆荻蕭蕭餘故
壘長陵楸柏已十圍孤臣遺骨今安在釣龍臺下水可楫新
甯城東山巖巖范園誰能識法章偏肆猶堪藏李燮一日天
迴地轉時千金購出練家兒若敖之鬼終不餒行路聞之皆
歔歔我登鍾陵山遙望石頭城曾爲孝孺死不作陳瑛生爲
君慷慨終一山悲風颯颯江波綠

南旺挑河行

堤遙遙河瀾瀾分水祠前卒如蟻鵲衣短髮行且僵盡是六
郡良家子淺水淺足泥沒脣五更疾作至夜半夜半西風天
雨霜十人八九置欲斷黃綬長官此赤鬚北人騎馬南肩輿
伍伯先後悉訶撻曰戾喘汗歸遙條伍伯訶猶可里胥怒殺

我無錢水中居有錢立道左天寒日短動欲夕傾筐百反不
盈尺墓傍溼草炊無煙水面浮冰割人膝都水使者日行隄
新土堆與舊岸齊可憐今日岸上土雨中仍作河中泥君不
見會通河畔千株柳年年折盡官夫手金錢散罷夫未歸催
築南河黑風口

采菱詞

長歌短歌采菱詞飛來飛去青鸕鷀西風吹波綠於染羅衣
女兒如花面玉簫一曲初學吹月白千峯人不見

題吳興海天閣

道場山

飛閣接天都珠宮控太湖山光圍百雉野色入三吳木落禽
聲盡雲崩塔勢孤東南多王氣回首起栖烏

列朝詩集徐興公云雲崩塔勢孤之句爲時人傳誦
鄭翰卿寄詩云翠荇青蒲碧浪湖裁詩對酒憶人無
謝郎近日縱橫甚尙有雲崩塔勢孤

賦得新柳送別

短岸復長堤黃輕綠未齊曉風吹不定春雪壓常低草細偏
相妒鸞嬌未敢嗔年芳君莫問日落潮陵西

登鹽官秦經山

獨倚孤峯望野煙海風吹浪欲浮天早秋角動軍城戍落日
潮生估客船霸業東南餘越土殘碑甲子自秦年傷心千載
興亡地晴鳥寒猿夕嶂邊

送徐興公還家

楓落空江生凍煙西風羸馬不勝鞭冰消浙水知家近春到

閩山在客先斜日雁邊看故國孤帆雪裏過殘年憐余久負
寒鷗約魂夢從君碧海天

過隋宮

玉鉤金屋事淒涼夜夜愁雲過苑牆王氣已隨歌舞盡山花
猶作綺羅香宮城寒雨鳴黃葉輦路悲風起白楊最是無情
江上燕獨銜春色上空梁

宮人斜

落花啼鳥怨青春生不銜恩死作塵長信月明秋寂寂君王
只夢李夫人

七里灘

七里灘頭雲不開富春山水漾洄漢家世業成秋草江月

年年上釣臺

謝三秀 二十二首

三秀字君采一字元瑞貴州前衛人萬厯中以貢生

爲教官有雪鴻堂遠條堂二集

大泌山房集君采詩格整而不滯氣雄而不亢指深而不晦致清而不薄詞麗而不浮諸體無不精當王祚遠集君采遠條堂詩才情所擅發越清迥前驅海內誰曰不可陳允衡詩慰君采造語渾成卽偶入纖詞不失大雅吳中著敝帚集君采詩涵泳於三唐蜂釀卯伏神情氣味無不肖冲融淹潤絕無鬼趣習靜志居詩話君采詩甚清穩由其生於天末習染全無黔人之軼倫超羣者傅玉書黔風舊聞錄君采詩精警超詣卓然可傳黔詩紀畧君采詩情永冲融與東南作家建詞壇旗鼓育正始遺音天末才子之目田按君采詩逸宕超鍊絕去羣塵有明三百年來黔中詩家當推首出朱竹垞與王漁洋書論萬厯南中

詩人第及海目季思伯遠允升在杭能始而不及君
宋猶未免畛域之見

楚人易又立以畫障見貽短歌答贈

易生繪事稱擅場遠遊自裹千里糧短褐蕭蕭渡易水悲歌
醉卧酒人傍六月涼風開北牖臙拈秃筆不停手百尺長松
十丈泉生綃髮歸寒雲走知君此技妙入神滿壁滄洲不療
貧囊裏無錢可留客茗鱸但煮雨前春油壁車流蘇帳五侯
七貴爭相尙千金不惜買篋篋半縑未肯圖屏障長安城中
難久留世事如棋君且休請看燕市雙蓬鬢何似湘江一釣
舟吾聞紫蓋之高麗天表七十二峯青未了君如長嘯歸故
邱頭顱宜向此中老

夏日集薛文叔孝廉西崑放舟川上作

茅堂朱夏枕潺湲，積雨空林深掩關。
偶晴騎馬衝泥至，一尊坐對城西山。
朝對城西山，暮泛城西水。西水沄沄竹箭流，
西山藟藟芙蓉紫。錦纜隨風不用牽，濠濮之想何翛然。
百尺綸竿嚴子瀨，一床書畫米家船。酒杯入手浩歌發，
頭不裹巾足不襪。浮雲散盡江天青，金波忽漾一梳月。
汗漫疑乘貫斗槎，何須燒燭照江花。別有小航載簫鼓，
夜深餘響落蒹葭。

安莊夜聞警

鼙鼓中宵急，愁聞戰伐頻。數家出燬燼，一郡入荆榛。
地亂難爲客，途窮恥傍人。披衣待明發，華髮鏡中新。

得胡大韶手書卻寄

數有懷人夢，書來慰鬱陶。貧猶依阜帽，誼不淺綈袍。
病葉先

霜下陰蟲未雨號采芳聊寄汝秋水正容舫

湘東

草草三湘客遙遙萬里舟賣蓑沙上市曬練水邊樓遠影歸
鴉疾寒聲過櫓柔白雲與紅葉一望一層秋

秋日同無過諸君拏舟至惠眾寺看竹

川路行忽盡榜船秋樹根斷煙生絕壁殘日下空村岩近多
逢雁峯高愁聽援杖藜因看竹夜打老僧門

夜宿西屯人家

西村襖被酒初香寒逼莎雞漸入床深巷犬聲如豹吠空田
鶴影似人長山樓笛起家月野浦砧殘夜夜霜垂老生涯
耕稼在衡茅吾擬老柴桑

庚子卷一
越郡丞玉岑公江閣

占斷南明水一灣飛樓縹緲隔塵寰園同莊叟道遙超山在
孫登嘯咏間曲檻落花驚鶴定空潭柔櫓姑鷗閒招攜總是
漁樵侶松火秋雲共掩關

寄金谿友人

別時猶記草如茵玉馬峯前共愴神南國一從青桂老西江
幾換白蘋新擬攀瑤樹思公子未折瑤華贈美人今日題詩
問龍劍不知何地是延津

懷歸

客思悠悠仍忽忽欲歸未歸將奈何已聞盤江足瘴癘況乃
疊水多兵戈暮憶百壺苦無酒朝吟一篇聊當歌滇池可望

不可卽五華山色空嵯峨

送洪山人還新安

離心江上逐流波渺渺孤帆載雪過
橐裏黃金緣俠盡尊前白髮傍愁多
向來腸胃無塵土此去衣裳有芰荷
我亦天涯感流滯對君中夜幾悲歌

再訪德山青蓮社值建中上人歸

雨渡扁舟訪釣灣開門童子報師還
經旬潦楫移深浦昨夜梯雲宿舊山
蓮社可容陶令醉蒲團聊對遠公閒
馬蹏明日長安道回首中峯積翠間

晚登滕王閣

楓樹凋傷旅雁驚浮雲西滿豫章城
山川已屬詞人手樓閣

猶懸帝子名萬里帆檣天外盡千門燈火望中明由來信美
非無土幾度登臨百感生

王百穀席上送湘蘭過武林

平明折柳送仙艤江雨江煙可奈何握手一尊吳市酒斷腸
三疊渭城歌蘇臺草合看麋鹿越國村荒聞芭蘿遙憶西湖
乘興虛盡幾雙白鷗波

黃岩舟中風濤橫作艤棹江湄詰朝喜霽

萬疊煙濤島欲浮石尤無賴暫維舟檣頭暮雨桃花溼港口
春潮竹箭流避浪亂帆投別浦依人寒雁宿中洲披衣坐待
江門曙旭影曠曠射艤樓

飛雲洞

亂後招提喜獨存上方鐘磬靜黃昏松穿怪石仙人掌月覆
空潭玉女盆僧慣煮茶尋雪乳客還攜酒對雲根重來莫遣
迷歸路記取桃花是洞門

送詹壁侯之遼陽

我訪赤城霞君踏黃沙月別愁誰較多看取雙華髮

安陸舟中

茅茨八九弓人家住江口何處打漁船明燈夜沽酒

城南江亭

秀月吐層潭清輝幾千丈何處夜漁歸前村人語響

江上

江天千尺波江村一夜雨野艇小如瓜搖搖下南浦

披雲巖

晚起雲分畫墨渠添水弄青蘋石隙桃花笑客茅簷燕子衝人

聽盧姬歌

草色羅裙玉膩膚歌喉一串日南珠莫愁老去梁塵歇此夜佳人道姓盧

李應徵十六首

應徵初名衷毅字伯遠嘉興人萬曆癸酉舉人除臨安教諭遷南國子博士有素蓮館澄遠堂偶寄軒蘿園寄茗薊易河梁兩都汗漫遊諸集

朱彝尊明詩綜皇甫子循云伯遠肆力風雅律詩時似少陵而風骨師心太白鄧遠遊云伯遠意取師心

法必摸古其於諸體無所不工亦靡所不合
攜李詩繫應徵以駿宕之士雄視一世平生感憤一
發於詩故能眾體兼長風流俊爽情旨婉切不徒以
寫景述事爲工
許燦梅里詩輯嘉隆之際于鱗元美狎主吟壇海內
靡然向風博士稍後出及與元美遊而不爲苟同獨
以清矯之氣行其卓越之才允推作手
田按伯達五言清遠七言跌宕自是一時之後

登堯峯山展眺

吳會信名區茲山足幽賞伊余秉微尚探奇成獨往入徑始
縈紆捫蘿忽超恍絕磴履危嶼僧寮坐虛敞憩石漱泉流振
筇答松響遂升層崖顛邈若烟霞上雲物相媚映波瀾亦泱
泱言鳥喧密林驚鳬亂芳蔣落日湖上來巖光自駘蕩展目
非一觀會心有萬象俯仰意彌申頽然醉春醴願息區中緣
毋爲局塵鞅

夢偃松篇

曉踏天目峯屐底秋雲飛夜歸山城宿枕上秋夢微夢中猶
帶烟霞氣髣髴蒼烟落松際偃蓋亭亭扶怒螭飛龍矯若駢
羣帝蒼鱗老幹不十尺屈鐵擎空勢非一參差低俯復高昂
宛轉東盤更西出誰翦龍須一片齊平鋪翠作青厓席我欲
乘醉松頭眠日落寒雲倒空壁便攜清尊坐其下萬壑秋濤
向身瀉偃松歷歷夢中懸昨游翻覺猶茫然風雨吹魂驚欲
起枕席雖在巒壑徙時聽堦前墜葉鳴猶似空山落松子

蘇生爾宣向嘗任俠報仇兼善秦漢篆刻近從吳門過

予山中作歌贈之

君不見專諸魚腸化秋水要離墳樹悲風起吳宮霸氣久已

銷俠骨猶然今未死蘇生寶劍光陸離少年報仇人所知卽
今隱迹埋吳市劍鋒折作囊中錐黃金剖鵲大如玉盤
螭壓雙紐雄心鏤向方寸中仇人血漸丹沙紅秋山飛雨聲
颯颯慘澹光芒寒白日看君意氣尙如虎那能老作江湖客
丈夫腰下有昆吾何不東舉島夷西擊胡試拂燕然一片石
可堪還勒漢銘無

薛素臨趙承旨吹簫美人圖歌

有引

醉香道人出此圖見示墨韻迢婉真得吳興三昧蓋
薛工於繪事而尤能以鳳簫度曲故婉轉曲盡其態
而所臨宋景濂學士題語真書數行更得臨池之致
此何必當年校書卽衿紳中恐亦罕此韻士也今薛

已歸沈景禧不可復見觀此對寫照徒增悵惋遂作

歌焉

吳興王孫筆楚楚丹青貌得吹簫女宛轉如疑咽素秋月白
宵寒鳳飛去題識猶存學士名數行頗得臨池趣誰人書畫
兼擅場誰同趙宋稱雁行河東佳人小字素妙曲曾將鳳簫
度麗情秀壓錦江濤霞箋色奪芙蓉露標韻俱從指下生妖
妍獨向毫端吐吳興得似未得眞佳人貌畫兼貌身含嬌轉
盼邀鳳史有聲無聲皆入神此時珠簾散華燭此時紫簫奏
新曲月痕依微脫口朱星月參差動纖玉朱唇乍啟梁塵空
玉指顚弄蘭心通祇覺春風生合座忽移形影向圖中圖中
坐上宛相肖羸女卻對秦宮照天籟俄分倚獨鳴清音倏斷

迷雙笑獨鳴雙笑兩依稀只今化作彩雲飛
驟然顧態猶疑是覩久尋聲始覺非
尋聲顧態神猶動巫峽荆臺別通夢風
前屢誤拂書蠅月下初聞罷簫鳳簫聲只隔鴛鴦水鳳吹蛾
眉呼欲起司馬青衫溼盡無春蘭寂寞秋風裏

南湖雨後見月

放舸傍沙汀悠然笑獨醒雨餘千樹墨月出半湖青
水氣澄秋席寒空寫夜亭重輪元自現煙霧冥冥冥

宿南禪廢寺

寥落春城寺脩然對野僧庭烏朝下食山鬼夜窺燈
心義空微悟塵勞斷未能松寮疏雨過片月照枯藤

同馮開之登東目

碧巘欲摩霄青鞵濟勝饒排空出鳥道盡日到僧寮谷暝飛
陰瀑松寒起夜潮坐疑天界通身與白雲遙

清涼山登眺因過雲峯上人房

地接人天近烟蘿隔世氛井梧深落照石竹冷高雲鳥外長
江盡杯前萬壑分願陪蓮社末仙唄六時聞

秋江夜泊

木落疑秋雨寒江增夜波青山移棹遠明月逐帆多近岸投
漁火遙汀出榜歌還將故園夢千里寄烟蘿

遊華石

遶郭皆山色誰知華石峯疑分巨壺掌擎此青芙蓉松逕不
數里花源還幾重歸途互雲月水上有初鐘

湖上懷項民逸

尋幽每欣獨往乘興自成遠登山雨夜鳴千澗湖波曉上孤
城谿頭綠徧芳杜林下紅飛落英惆悵美人何許春風寂寞
含情

盤山

芙蓉陡削數峯藏立馬無煩指太行曲借河流疏鳥道直移
地軸轉車箱雲陰出塞多踰互氣色臨關倍莽蒼極目龍沙
春草外當年飛血尙玄黃

過臨淄狄參戎叔明留晏因憶向同許長孺侍御郊園
醉別不三年而長孺已化爲異物不勝西州之感卽
席有賦

一
三
憶昔郊園別酒醺重來感舊思紛紛忽驚合坐調清瑟無復
分司問紫雲落日西州空有淚大風東海幸逢君于今燕筑
人誰和且共離杯惜鴈羣

留別金陵諸好友及家弟玄白

雨過江烟溼夜霜秦淮津樹曉蒼蒼故人乍對俱同夢有弟
相逢慙異鄉已有傷心驚歲暮那堪攜手上河梁春來若見
梅花發多少南鴻向北翔

從西峯抵會景堂

葉落空山徑微疎林不礙雲飛巖光欲沈僧舍松翠猶撲人
衣

過高白堂

寒流一溪晴雨秋色千巖夕
暝犬吠門前落葉僧看峯際孤
雪